

Cangzcouh Gih Hai Hoih Lwnhgangj Hwnqguh Aen Gih Guh- yiengh Couqmaenh Gij Eiqsik Caezcaemh Cunghvaz Minzczu

8 nyied 7 hauh, Vuzcouh Si Cangzcouh Gih Minzczungh Giz lienzhab Gunghsanghlenz hai hoih lwnhgangj hwnqguh aen gih guhyiengh couqmaenh gij eiqsik caezcaemh Cunghvaz Minzczu. Doengh boux feihgungh ginghci, boux minzyingz giyez Cangzcouh Gih gungh seiqcib lai vunz camgya aen hoih.

Aen hoih hopndaet aen cungj muzbyauh “Cunghvaz Minzczu ranz vunz ndeu, doengzsim saedyienh loqsiengj Cungguek”, gaenjgaenj hop-heux caezcaemh doxgiet buekguh, caezcaemh mwnhoengh hwnghat caeuq “cibngeih aen itdingh”, gensez “haj aen ranzmbanj” Siz Ginbingz cungj-suhgi daezok haenx, haeujlaeg lwnhgangj le gij eiqsei youqgaenj caeuq neiyungz laeg couqmaenh gij eiqsik caezcaemh Cunghvaz Minzczu. Aen hoih caemhcai q giethab saedsaeh Cangzcouh Gih, gyagiengz senhconz gyauyuz, hawj vunzlai gak cuz engq rox guek raeuz dwg aen guekgya lai aen minzczu dungjyiz ndeu, engq rox gij Majgwzsw h cujyi guekgya gvanh, minzczu gvanh, cunghgyau gvanh, vwnzva gvanh, hawj “sam aen liz mbouj ndaej” “haj aen nyinhdoengz” engq haeuj sim vunz, coihaeuj gak minzczu lumj vaed lwgloux nei got youq itheij ndaetndaet bae.

Daihgya cungj naeuz, yaek baengh baez hoih neix, gaenxmaenx hengzdoengh, okrenghz doidoengh hwnghat ginghci caeuq minzczu doxgiet baenaj Cangzcouh Gih.

(陈桃/Cinz Dauz)

Lozcwngz Aeu Cunh Gaep Cizdij Ginghci “Hoengzleih” Giengz Mbanj Fouq Minz



8 nyied 9 hauh, Hozciz Si Lozcwngz Mulaujcu Swciyen Denhhoz Cin Mbanjcangcauz guh cunh gaep cizdij ginghci souik faenhoengz. Laebdaeb geij ngoenz doxdaeuj, aen yienh neix gungh miz 27 aen gujwn ginghci lenzhose cingjhab gij souik gietyawz doenghbaez laebdaeb hawj vunzmbanj fat faenhoengz. Daengz 8 nyied 8 hauh, aen yienh neix gaenq fat le 202.31 fanh maenz faenhoengz. Gaen geij bi doxdaeuj, yienh de genhciz roengzrenghz aeu dangjgen coi cunh gaep cizdij ginghci, gaenxmaenx hwnghat cunh gaep cizdij ginghci, cienzmienh doihaeuj lajmbanj saenqhwngh. Gyoengqde genhciz dangcihbu dazyinx, dieggiek caeuq hozcozse daiqdoengh, dangjyenz ginzcong dox baedauq, guh hoengh aen dieggiek makbug, youzczaz, faexcukmaz, raetmoeంగాax daengj, caenhrenghz doidoengh cunh gaep cizdij ginghci mboujduenh hwnghat guhhung.

(吴婉诗/Vuz Vanjsih 吴俊誉/Vuz Cinyi)

◀Vunzmbanj ciemcoh lingx faenhoengz.

Yungzsuij: Haeuxcaeux Yaek Sou Liux, Bau Haeuxliengz Haeuj Cang

Yungzsuij Myauzczu Swciyen Yungzsuij, Yungjloz, Hozmuz sam aen cin dwg gizdieg ndaem haeux, soqlaiz vunzlai cungj heuh doengh dieg neix guh “canghaeux” Yungzsuij. Seizneix, dieg de haeuxcaeux gaenq yaek gvej sat, vunzmbanj lij ciengj sou ciengj ndaem, youq ndaw reihnaz nyaengq-foedfoed.

Gaen geij bi daeuj, Yungzsuij saedhengz aen canloz “aeu dieg yo haeux aeu gisuz yo haeux”, daihlig hwnghat swnghcanj haeuxliengz, bau-maenh haeuxliengz demcanj, nungz-minz demsou. Bineix aen yienh neix ndaem le 8.38 fanh moux haeuxcaeux, 6.76 fanh moux haeux-laeng, 6.76 fanh moux haeuxgyang.

(黄诚/Vangz Cwngz 覃丽娜/Cinz Linaz 莫晓漫/Moz Yaujman 陆咏清/Luz Yungjingh)



◀ Vunzguh-naz cang haeux hwnj ci.
Vangz Cwngz ingj



▲Mehmbwk son lwgnyez Yauzczu dajsiuq.
Cauh Hojwvwnz ingj

Laiyiengh Vwnzva Hozdung Coux Caet Nyied Cocaet

8 nyied 9 hauh, Mungzsanh Yen Sinhvwnzmingz Sizcenj Cunghsinh guh hozdung guh-yiengh cawjdaez vwnzva caet nyied cocaet. Yienhcieghz langh-baij Yauzczu feihyiz, seiswz sawveh, Niuzlangz Ciznij doxyien, cincim yinxmae daengj hozdung. Yienh de guh gak loih hozdung guhyiengh cawjdaez vwnzva, hungzyangz gij aiqcingz ndei, cienziep gyahgyau gyahfungh ndei, hawj gij cingsaenz vwnzva swnghhoz vunzlai engq mizyinx, gungganq vwnzmingz fungheiq moq.

(周火文/Cauh Hojwvwnz 蔡中杰/Cai Cunghez)